

Powšitkowne WOZJEWJENJA

njedźelu, 14. julija 2019

Swjata spowědź w Róžeńće

Wšitcy, kotřiž chcyli porciunkulski wotpusk dobyć, maja mjez druhim w Róžeńće składnosć, sakrament swjateje spowědže přijec, a to sobotu, 3. awgusta, wot 17 do 18 hodź. Spowědnicy budu fararjo Michał Anders, Šćěpan Delan, Beno Jakubaš a dr. Daniel Dzikiewicz.

Z busom do Krupki kemši

Na putniku Božu mšu srjedu, 31. julija, w 10 hodź. w Krupce pojedže zaso bus. Štóz chcył sobu jěc, měł so najpozdžišo hač do póndzele, 22. julija, w Šmitec wozydłownistwje w Radworju přizjewić, telefonowe čisło (03 59 35) 28 60.

50. narodniny patra Romualda Domaški

Na patra Romualda Mikławša Domašku budže so njedźelu, 21. julija, w Róžeńće składnostnje jeho 150. narodnin spominać. Něhdže 30 lět je wón tam jako administrator a wučer skutkował. Wón zemrě 2. julija 1945 we Worklecach. Kemšam, kotrež budu w 10.30 hodź., přizamknje so wopomnjenske zarjadowanje z předstajenjom mjez staršimi Serbami hišće znateho rjadnika. K tomu poskići so přikusk. Towarstwo Naša Knjeni na Lipje wšitkich wěriwych wutrobnje přeprošuje.

Nóc tysac swěčkow

Na zahrodze klóštra Marijineje hwězdy w Pančicach- Kukowje dožiwja wopytwarjo sobotu, 20. julija, wot 19 hodź. zaso nóc tysac swěčkow. Hač do zaswěćenja swěčkow budže pisany program na jewišću. Jón wuhotuja mjez druhim Wudworscy rejwarjo, Drježdžanska skupina ZUGABE a Gabriel Mommér ze Zhorjelca, kotryž je w telewizijnym wusyłanju „The Voice Kids“ wuspěšny był. Tež za džěci změja tójšto spřihotowane.

Swobodne džělowe městno w Domje swjateho Jana

Za hladanje a spěchowanje čłowjekow ze zbrašenjom pytaja w Domje swjateho Jana w Smječkecach fachowu móc w hladanskej słužbje. Městno ma so 1. septembra 2019 we wobłuku 30hodžin wob tydžeń wobsadzić. Nadrobniše informacije k žadanjam na městno, džělowemu wobłukej a tarifowym postajenjam namakaja zajimcy na internetowej stronje www.christliches-sozialwerk-ggmbh.de. Pisomne požadanja njech pósćelu so prošu na: CSW – Křesćanski socialny skutk ptzwr, Dom swjateho Jana, nawodže knjezej Markej Klimanej, Janska kupjel 1, 01920 Smječkecy.

Kemše za wučerjow a kublarjow

Wšitcy wučerjo a kublarjo su srjedu, 14. awgusta, we 18 hodź. wutrobnje na Božu mšu do Róžanta přeprošeni. W poslednim prózdniskim tydženju móža so tak tež duchownje na nowe šulske lěto nastajić.

Spěwny wječor na Kukowskim hrodzišču

Młodostnych a wšitkich zajimcow přeprašujemy na spěwny wječor, kotryž zahaji so pjatk, 9. awgusta, w 19.00 hodź. na Kukowskim hrodzišču. Při tym móža wšitcy nowy młodžinski spěwnik „Na puć z nami“ zeznać a při lěhwowym wohenju spěwać, hudzić a Boha chwalić. Wjeselimy so na was! *Dekanatne dušepastyrstwo za młodžinu*

Znowa Gig-festiwal w Róžeńće

W Róžeńće wotměje so wot pjatka do njedzele, 26. do 28. julija, Gig-festiwal. Wón zahaji so pjatk we 18 hodź. z Božej mšu w hnadownej cyrkwi. W 21 hodź. pokaza so film wo stawiznach Róžanta.

Sobotu dopołdnja runje tak kaž po wobjedže budu wšelake workshopy. To budu na přikład nazwučowanje irskeje reje, rozprawy wo duchownych powołanjach, nazwučowanje spěwa z gospelowym chórom, paslenje róžowca a předstajenje Joe Realija. W 16.00 hodź. přizamknje so nyšpor z cistercienskimi klóštra Marijineje hwězdy. Koncert ze wšelakimi mjezynarodnymi skupinami budže wot 16.30 hodź. Mjez nimi budže popowa skupina I AM z Irskeje runje tak kaž raper Dominik Herberhold z Němskeje, Edwin Fawcett a gospelowy chór z Jendźelskeje. Za kóždeho budže něšto pódla – pop, soul, rap a folk kaž tež kabaret, zdžělichu zarjadowarjo. W 23.30 hodź. wotměje so procesion ze swěčkami do cyrkwe.

Swjatočna Boža mša budže njedzeli, 28. julija, w 10 hodź., kotraž je tón dzeń jenička njedzelnja Boža mša na hnadownym městnje. Po njej wudželi nowoměšnik Pětr Mróz primicne požohnowanje. Kemsam přizamknje so koncert gospeloweho chóra a skupiny I AM. W 14.00 hodź. budže podijowa diskusija z třomi měšnikami wo temje „Bóh a naš swět“. Po wječeri slěduje w 19.00 hodź. eucharistiski nyšpor w cyrkwi. Z diskoteku wot 20.30 hodź. na dworje so Gig-festiwal zakónči. Wšitcy – młodostni runje tak kaž starši a swójby z džěćimi – su wutrobnje do Róžanta přeprašeni. Nadrobny program je w interneće pod www.gigfestival.de wozjewjeny.

Pytaja tola dale za wotnajerjom

W klóštrje Marijinej hwězdze w Pančicach-Kukowje wjeselachu so, zo su po pjeć měsacy trajacym pytanju wotnajerja za hosćenc „Klósterska stwička“ namakali. Planowane bě, zo móža tam wot tuteje soboty, 13. julija, zaso hosći witać kaž to klóšter kónc junija na swojej internetowej stronje wozjewi. Tele dny pak na samsnym městnje steji, zo je wotnajer swój angažement zaso cofnyć dyrbjał a zo tuž dale za nowym pytaja. Zajimcy měli so w klóštrje přizjewić, telefonowe čisło (03 57 96) 9 94 31 abo z mailku na cellerarin@marienstern.de.